

歸愚詩鈔餘集

吾師歸愚詩鈔二十卷行世既久海外爭購
於雞林賈人之得白傳詩矣茲又成餘集
薰沐誦之其長篇大幅包絡宇宙滅沒變化出奇
無窮老杜之欲掣鯨魚碧海中也其近體律絕工
整開闔渾成一氣語近情遙老杜之老去漸於詩
律細也而其中忠愛

聖主寢寐縈懷比於老杜之每飯不忘君終身荷
聖情若同一軌且吾師之詩又有不可及者古今
詩人年華既暮風旨不失鋒刃盡銷評者擬諸掃
殘毫穎師則與年並高進而不已人推大年詩歸

大雅烏可得而涯量之耶謹成跋語用志仰瞻
乾隆丙戌秋七月會稽門生梁國治拜題

歸愚詩鈔餘集揔目

卷一

古今體詩九十九首

卷二

古今體詩六十四首

卷三

古今體詩七十二首

卷四

古今體詩八十一首

卷五

古今體詩五十六首

卷六

古今體詩七十九首

卷七

古今體詩八十三首

卷八

古今體詩七十一首

卷九

古今體詩七十一首

卷十

古今體詩七十四首

歸愚詩鈔餘集卷一

長洲沈德潛歸

除夕得南字次王柳南韻

老年日月似奔駟餘景宵來倍覺貪怕見桃符更
歲尾喜逢橘樹返江南鑪煨楮拙薪留燄盤整整
鹽味轉甘獨坐虛堂照形影自譙枯寂類瞿曇

元旦得鞦字

上日晴和散宿霾太平風物與人偕貽孫有穀從
吾願占歲維魚慰衆懷招友隔年儲白墮遊山計
日辦青鞵聰明鞭出誠何用不向堯夫學打乖

有打乖吟

陳授衣閉門覓句圖

檀長對客揮豪仍自閉門覓句裨謀野則獲之
子避人澄慮思乙乙其若抽想非非而難駐妙語
天外飛來塵境靜中滌去嗒然吾自忘吾直與羲
皇相遇此時門外行人誰識此中樂趣

慈烏三章為留太師母賦

慈烏哺雛夙夜勤劬手口並瘁羽毛欲枯翳太夫
人稱寡早歲襁褓一雛絕續攸係鞠之育之疾痛
腹之學術督之忠孝勗之子業勤矣子行敦矣可

報所天此心殫矣

烏雖報母孝思罔極事

君顯揚表陳母德

帝從其請予以褒錫龍沙遠宦雲山萬重歲請一
歸寢門融融年逾周甲宛如孩童致政還家昕夕
相對弄兒親前親心所愛天倫之樂何殊老萊去聲
得天之全無如松柏常歷歲寒堅逾金石母節久
著達於

楓宸母壽彌高葆全天真紀年八十如四十耳壽
觴遞稱長筵既啓昔感冰霜今添福履小子歸吳

仍畊石田遙望師門邈然雲天聊成小詩祝母大年

鄧尉看梅次商邱宋中丞韵

放艇自溪南花村露尚含籬邊點晴雪波外吐遙嵐古剎無須問名園不馱探告歸同野鹿澗壑詎懷慙

鳥語花間變鐘聲煙際沉來經泰玄暮一聽穎師琴

天藻星辰麗

離宮殿閣深寒林葵草在時展向陽心

綿津膺節鉞餘興寄江河籃舉尋春遠幽香得句

多寺樓仍舊額野客此高歌俯仰思前事雲煙五

紀過

宋公題詩在康熙癸酉歲

近得中丞什

滋圃莊公

清詞艾蒨香傾心廣平賦走筆

贊公房已共農忙樂還增山谷光命予賡古調小

水媿茫洋

到處千堆雪連林廿里花平臺漸零落

董墳六淨閣等處

古樹尚槎枒茗荈隨鑑飲兒童看客譁園下懽折

贈揄帽有寒葩

徧踏舊名山辭僧蒼翠間歸途認牛跡野渡問漁

蠻寒浪自今古孤雲共往還後時寃夢裏依約戀
蘄顏

由拈花寺至積翠苑逢同周迂邨張石颿
徐無執

言詣鍾吾陰舍舟遵枉渚路迷誤亦佳屈折穿林
莽空翠引遊屐法宮露垣堵拈花選佛場主席認
初祖微笑示本源妙義超言語積翠連苑蓬深入
徑紆阻叢竹隱風幡懸巖動齋鼓同行淨塵心誰
賓復誰主回憶數載前籃輿此軒舉輕雲散無痕
鴻爪留何許已往付前塵當境吾能取何時續後

遊依然挾徒侶一笑語金仙待我青蓮宇

過錢家礪

上陽村落晚煙籠穿過松林與桂叢我亦昔遊疑
夢寐人看生客聚兒童山銜斜照明殘影湖漾長
天動遠空為憶漁洋老詞伯吟壇誰繼舊宗風

漁洋山新城王阮
亭尚書取此為號

恭頌

萬壽詩十章

謹序

庚午中秋前二日恭逢

皇上萬壽聖節普天率土忭舞謳吟

臣蒙

恩歸老未得隨在廷諸臣稱觴獻

壽謹撰七言律詩十章頌述

御極以來實心實政雖輕塵足嶽細流納海於

聖德神功未能表揚萬一然衢歌巷語發於誠心

有歡忻踴躍而不能自己者也敬錄蕪辭

上陳

黻座

聖筭天齊屆四旬秋光將半氣如春萬方暘雨徵

時若四海謳歌頌

至仁侍讌

壽康天下養稱觥

殿陞古風淳

小臣

未與躋堂列杼寫葵衷望

北辰

旰食宵衣積歲年憂勞終日每乾乾蕩平有道能

承

祖賞罰無私摠法

天九寓為家均利澤一夫失所閔顛連即今華渚

沔虹候奉

勅宣傳進

御筵

元氣調和育萬靈從來至治在求寧
村農鼓腹由寬賦獄草侵扉為減刑
水旱奏聞頻泛漕關梁弛禁不留局
年年頌祝無疆日金鑑常看納九齡
聖朝吏治防文具勤政精於涖政初
奏牘答批晨露下班聯

名對午風餘封疆厯念勞

清問守令親宣重簡書從此普天俱
額手窮檐望澤總非虛

天縱多能孕古今

聖人文思孰窺尋鴻章闡洩苞符閱
韻語葩流雅

頌音餘事蛟龍歸結撰閒情粉墨叶高深儒生藝
術慙蕪陋羗管難和玉軫琴

藝林茁軋雜嚶吻東下涵涵日未休一自

宸衷沂姬孔幾回

詔遣黜楊劉遍蒐髦士探經囿會聚鴻文上選樓
碩學庶能儲體用

明廷行遇鳳麟遊

偃息鯨波六服安戎兵克詰尚桓桓

廟堂選將威名肅獠崗聞風心膽寒西旅輸誠先
納賁策凌南蠻革面亦騰歡金白狼樂府添歌詠真

見飛鶚化采鸞

虞典巡行

六馭來勾陳前導掃氛埃溯源

宗祖經長白祈福

慈寧上五臺隆禮大成千聖接升中東岱萬山開
於今吳越歌衢者望幸顚顚遍草萊
陽回枯榦亦抽莖耄歲

經帷侍

聖明憶入

綸扉叅宰輔旋司邦禮貳春卿

君恩真覺同天覆臣志惟期似水清更

賜歸田老農圃山林常頌泰階平

聖德維新

聖壽長望中

微曜燭天閭居山正值千秋節懷

闕遙陳

萬歲觴昔後臣寮朝

玉陛

皇上三十
時臣為庶吉士

今先父老拜

雲房十年

天許還康健稱祝重來鈞砌旁

皇上賜詩中語意
許臣於五十

聖壽時重
來拜祝

河臺尹師壽

謝傳門連代秉鈞鴻文早占鳳池春
參機密勿來三殿開府東南記五巡
寸寸丹衷惟報國絲絲華髮摠憂民
秦滇吳蜀邀宸眷

頻許蒼生倚重臣

文武由來憲萬邦旌麾重喜駐清江
慮殫䟽鑿功旋奏誠格魚龍氣盡降
飢溺已蘇懸罄室歌謳爭擁碧油幢
投艱遺大行無事從此金隄息怒龍
名畱夾袋薦吳儂頻使枯魚從去躍
龍雕朽不辭

歸大匠應聲真許扣洪鐘自慙老耄離

雙闕彌望忠貞答

九重此日荷衣參黼座玉堂舊事話從容

雲淡風和秀麥天梵宮處處浴金仙淮黃正奏安
瀾日申甫爭傳降嶽年紅藥花翻春已殿素蟾光
吐月初弦轉頭甲子欣逢閏兩度稱觥醉綺筵

黃芍藥詞

魏國曾逢金帶圍今朝花市見依稀一枝已占中
央色不羨唐家更賜緋

花比鶯兒對酒黃藥闌初見道家妝將離莫謂無

情思也似葵心向太陽

殿春新種出塵寰
姹紫韞紅一例刪
應與額黃同嫵媚
風神相映夕陽山

御園花相各分曹
親見金盃品最高

國明園有金盃盃芍藥一

種此日邗江復相見
夢魂疑侍柘黃袍

黃牡丹詩疊衆流前
朝佳話著揚州
此花別有翻

階色誰吐新詞號狀頭

維揚鄭超宗家開黃牡丹集名流賦詩定廣

南黎遂球第一趙宗鑑黃牡丹狀元金章贈之

婪尾釐中絕異姿
金泥點出半酣枝
畫家解得曹

娥帖綰上重題
幼婦辭

官浦草堂文讌

節近書雲集素文擘牋各自鬪娥媯驚才蜀水流
三峽險語秦師出二嶠老我心空歸澹澹諸君志
大合嚶嚶還須矢願輕溫飽馬上看花薄孟郊
文成旋遣酒頻澆樂奏徐聽響六么法曲絲縈抽
百縷飛觴鯨吸笑三蕉敦盤自合聯無競車笠終
期訂久要日影短餘歸路晚城樓鳴柝已寒宵

九日橫雲山王氏園登高

客到名園似聚萍登高携屐上空亭盪胸湖影三
重白入座嵐光九點青那許題糕識往哲還宜採

菊制頽齡欲尋二陸臺邊路共指飛鴻下遠汀

題董東山少宗伯畫

鎖院中作寫趙松雪松陰亭子圖意

東山前身松雪翁寄興常在煙雲中典文餘閑聊
點筆意在筆先勢超忽寫出松陰亭子意天半無
端落空翠亭中不着一閑人松杪疑聞響清吹想
當心手相應時機起欲流縱則逝畧同譚舍費苦
心神妙忽來斷思議松雪翁鷗波亭到今白蘋洲
畔餘清冷東山能事通幽靈知君鎖院揮毫處神
往吳山點點青

題漸江畫

歙人前明諸生後為僧

石隋松寒見性真枯禪原是古遺民略同嬾瓚矜
高格畫裏何曾著一人

戊亥歲交

還山六度逢除夕此夕襟情倍灑然炬列千門迎

亥歲

迎亥見
列仙傳

雪深四尺憶丁年

少時雪深四尺明
年大有此夕復然

永懷先澤新宗祏未報

君恩媿俸錢明稔但祈暘雨叙豈須郭外有原田
積雪初晴泚氣含條風拂拂自東南周旋爾我形
神影閱歷年華八十三挾刺襴衡儀久廢尋梅孟
浩興猶耽可能文債俱焚券不受絲牽異覲蠶

自丹陽至白下遇雨即事同徵士翁霽堂
石城前去路發軔自雲陽霧氣橫林斷鳩聲逐婦
忙墓田逢祭掃村店問茶湯令節偏為客新煙憶
故鄉

清明後一日

往日槐花候常經勾曲城已同流水逝重跨蹇驢
行市近人煙雜年豐飯價平舊題猶在壁剝蝕半
分明

占候月離畢連朝陰靄中鳥呼泥滑滑人冒雨濛
濛隴麥齊添盛園桃欲放紅土膏欣已動豈歎路
行窮

徵君金石友旅夜對牀眠此席三生話當時兩少年
迂踈吾自笑濩落爾俱憐相訂槃邁約同畊葑
水煙

遇雨高梁鎮授餐溥化關飯抄紅白米煙罨有無
山人在利名外途經吳楚間秦淮聊托宿嫩柳若
為攀

白下回水陸苦雨即事

雨師偏愛客一路送將歸僕馬罷無色帆檣濕不
飛下田淹宿麥上已戀冬衣獨有漁翁喜垂綸坐
石磯

望江樓

在江陰君山

萬感茫茫處洪流望不窮馬駝沙平劃界鷺臯渚名
倒涵空海氣浮天外江聲入座中臨風懷楚相何
地問蒿蓬

水災

二月雨六月雨中間晴霽無幾許鴈鷗怪聲白晝
鳴黿蛙跳踉怒如虎下田成白浪農民望俱休中
田水沒岸禾頭漾波流惟餘高田禾黍還油油還
油油私喜樂轉眼間瘳錢鏹

蟲災

腐氣久鬱蒸蟲灾滿阡陌食根者蠹食節蟊食心
者螟食葉螭四蟲作朋縱復橫田祖悠悠溺其職
沃以膏腴轉騎青青苗成屋毛天心覆被胡降此
盤盤必有因召者誰人我欲問天高高難陳

風灾

蠢蟲肆毒餘飽食偶然救時至亦抽莖滿望納禾
稼大塊忽噫動地風燥怒那復分雌雄三晝夜風
始息禾盡偃遍疆場所吐花白毛白田憶祈年祭
先嗇鬼神不靈空嗜飲食同聲一哭無顏色

霜灾

時維八月中，高空降玄霜。豐年遭此成歉歲，而況大風以後，加推戕婦，豎腰鑣刈，歸棄擲以餒鵞鴨。鵞鴨不食，告荒向官吏，扑扶臂無膚，愚民剥樹皮到處成白榆。我慰愚民爾無苦，聖人仁覆天同溥，即看賑卹周我土。

山行

嵐翠濛濛淡不分，竹堦一路過榆枌。此行適遂煙霞興，纔到披雲又汲雲。二庵名

光福至元墓紀所見

歷歷榆皮看欲盡，磬噉雁語聽俱哀。憐渠家近梅

花國空對柴莊

嶺名與米堆名

過粥廠口號

設粥郊原為療饑殘黎頻觸長官威誰云不食嗟
來食得食何妨扑扶歸

題李鶴峯學使聽雪圖

松風鳴高空寒流瀉巖穴公餘靜無事科頭坐林
樾攜此無絃琴聽彼有聲雪傾耳太古音入目冰
壺潔有得在無心默然仰寥泝回憶點蒼山雲煙
渺天末

題龔恪中探梅小照

眼界曾看大九州歸來林壑此間遊孤山鄧尉何
須定但遇梅花便小留
杖藜徐步入山樊冷艷競中翠羽翻真是幾時修
得到目成心醉澹無言

哭周迂村

昔年泛西湖邂逅逢迂村以詩為針引道合如弟
昆吟社聯北郭劇刃俱斷斷論詩登君堂閨中解
留賓樺燭添長夜襟被加重溫以茲三十年既久
情彌敦後予羈春明慨焉念離羣君為北地遊相
將弔燕雲超然利名外三月還吳門及予賦歸來

君過萊蕪貧暮年數良友明星朗清晨重期合雲
龍吐藻揚奇芬俄焉竟長別未及歌招魂歎逝行
自念崦嵫感餘曛

君家寔能詩詩外無所事寒暖由他人饑飽非所
計閨閣門戶持匪獨主中饋垂老賦悼亡百事撓
顛躓逢目而豺聲日夕互窺伺剝牀漸剝膚猩猩
連狒狒侮奪不十年卓錫苦無地咏詩轉辛勤絕
異東野句短歌無哀音食荼得甘味皆緣心和平
南雅久漸漬聞君彌留時視身如委蛻惟憂詩不
傳空負平生嗜一言慰吾友杜陵詩可據應任老

夫傳此責予敢避

輓盛青樓

河干送君歸倏忽成古人殘墨猶在匣卷軸縱橫
陳分張只旬餘茵席已凝塵把君未成詩塗乙費
苦辛苦辛夫何為要使句有神神存形忽摧性靈
返於真笑言如昨日後晤付夢魂萬事歸無無請
看空天雲

去春霽堂

翁

祖今春迂村

周

逝青樓旋徃從泉下

若相遲

夫

善人復詩人名場擅談藝迂村詩已雕

霽堂亦相繼君詩富倍之手書藏篋笥柏匱付誰

人蠹蝕愁廢棄想望文壇心選擇予所司

去別裁

拍日成

予選詩集名別裁

本朝慰我膠漆契

往年客巴蜀詩得江山助後為燕京遊亦擬長揚
賦間平重宿學設醴崇師傅薦雄竟無人十載衣
仍素歸來卧草堂依然理章句分席尋漁樵抱瓮
灌瓜芋而何辭人寰一寐長不寤從茲雲巖東誰
問詩人處

世風日滔滔況當大無年禮讓化貪暴鬼蜮逞姦
頑君不忍見聞亡後俱泯焉脫此塵垢累轉適逍
遙天昔有張永夫與君契忘年生居靈巖東死葬

靈巖前魂魄兩相過越度陌與阡同唱鮑家詩秋
林冷蒼煙

不繫舟詩為望山尹公賦

絕異張融岸上居流行坎止任徐徐檣篙紛綽俱
無著吳蜀秦滇縱所如莊叟虛舟饒澹蕩歐公畫
舫足安舒年華閱歷行三紀總在風恬浪靜餘

白雲為幃繞虛亭似艦迴廊取次經淮水通池分

淺碧蔣山窺戶送遙青垂楊舊種皆生癭

初任兩江時所

植老鶴重歸屢換翎五次南邦作邦憲濟川隨處

仰台星

持身入世擬舟航清漏聲散夜話長風際使帆防
滿足峽中轉棹忌蒼黃當年曾庇千間厦此日重
過數仞墻間說遠夷欽潞國會看作楫服戎荒

祈雨謠

鐵冶禁南門闔祈雨一衣繁露法火雲燒空日蒸
毒風田中依舊多生蟲去年大荒今年大疫農死
過半無粒食棄田不救田龜坼長官督道流作樂
心誠求洗滌衢路通渠溝道流窘迫心繁憂夜來
星漢亘天宇廣川術不靈轉思卜式語烹弘羊天
乃雨

外孫章光重照

石牀散帙坐空林
商氣蕭參寄素襟
豈獨凜秋宜
誦習四時揔見古人心

不遇同心獨賞竒
讀書以外更尋思
夕葵負米前
賢句知爾難忘母氏慈

獨覩抽將不盡絲
每於故紙得新知
披圖我憶兒
童日五夜青鐙有味時

過江王謝數門逵
群季通明共醉經
素文鶴書湘

生以經學擅聲吳中
今日凋零惟一綫
望渠雪後

光重素文曾孫也
草重青

夏日雜詠十章

吳中饑歲後觸目摠荒涼樹剥榆皮盡泥穿山骨

傷

西山泥可食遠近鑿山以求然多得病死者

無家留餓犬有病卧牂

羊仁愛皇天意誰歟召此殃

米價頻年貴今年又倍之無方謀粒食到處棄童

兒截漕

去聲

還傳稅通商更設糜四郊俱灑淚感荷

聖人慈

入春纏大疫城郭遍山村故鬼連新鬼招魂不返

冤投阡憑藁席沉水飽魚鼈日暮無人跡通衢不

覺喧

入告緣開府營私誤吏胥假公填壑谷隨意肆侵
漁幻妄雲千疊陰幽鬼一車淫人今已富天道竟
何如

救荒先保富富戶貴施仁保富源常足施仁惠可
均誰令私室擁自觸長官嗔遠近滋紛擾何時風
俗淳

兒時頻水旱麥飯舊曾咽

廣熙辛酉壬戌

天稼逢今日流

亡倍往年養苗除碩鼠

吳江令以侵賑去官

掩歎避烏鳶

城外

各設義冢剛斷蕪慈惠還期大吏賢

暘雨乖時若天行二氣訖祈晴雲被隴望澤目焦

禾彊以傭偏少時病死原田廢尚多惟期川廣熟

大舸泛江波

能員才力大政外有餘情已擅盧鑒術旋調傳說

羹驅魑喧爆竹襍疹擊銅鉦近日曲誤還能顧時

聞奏樂聲

素友今無幾依稀霜後蓬那堪遭歉歲相次喪詩

翁周迂村盛青樓汪山樵朱木齋百日中相繼組謝南雅繁音外人琴淚

眼中有懷誰共語寡莫對涼風

賜閑堪養性老病疊相仍金散師疏傳詩庸媿杜

陵趨朝心每憶平寇興還騰指日禽頭曼饒歌奏

尚能

平金川日奉
勅撰鏡歌八章

喜雨

祈雨壇已除道流各解散天心頓然回忍令殫哉
患西郊雲密密民望恐虛願俄然天瓢傾助以大
雷電急注同箭疾想象昆陽戰連綿昏旦接踣足
遐邇徧土潤變龜坼枯苗忽葱蒨生機捷平時翻
因受乾燠四野起謳歌歡欣滿郊甸吾儕慶重生
摠荷皇天眷不爾癘疫餘分作溝壑轉從茲仰天
和窮檐許餐飯

傅玉筍前輩招同邵濟川太史遊西湖南

山經法相寺登陶家莊紀勝有作

前輩招邀上野航
雨餘開霽棹迴塘
千塍新稿俱垂實
一路殘荷尚送香
到寺根塵叅色相
登山江海入微茫
茲遊好補舊遊缺
全覽西施濃淡粧

過孤山有感

重到孤山十五年
橋邊古柳尚欹眠
摩挲且為遲遲去
曾繫詩人書畫船

題照

輶車一兩赴京畿
中饋支持筆歎微
記得月寒霜落候
五更為我著朝衣

南北追隨二紀餘依然縞袂茜裳初空齋靜坐如
相待望我歸修種樹書

題陶莊

閑隨猿鳥上崇岡認取泉明水石莊聽雪四時心
自淨眠雲一榻夢俱涼松篁罨畫添嵐翠湖海浮
空帶夕陽應與仇池同擅勝

御題汪氏小有
天園以仇池得名詎

因荆楚小江黃

十齡童子應文虹草書歌

杜勤總角擅草書少陵誇作汗血駒會當一日走
千里豈與凡馬爭馳驅眼中之人應氏子雙瞳炯

炯照秋水十行齊下手繙書一點不加文落紙即
今十歲氣食牛腕下有力千鈞道直疑前身是顛
素振筆直欲凌千秋硯均墨汁傾一斗剡藤徑丈
懸座右三尺微軀踞上床如椽巨筆握雙手胸藏
成竹落筆先倏忽雲煙飛戶牖青天颯沓風雨來
白日黯黯蛟虬走滿堂觀者如堵塙各各目眩神
飛揚苦無一鱣酬一字驟令屏幃生輝光彼童歛
手無矜色倒注清泉洗餘墨壁箋細楷寫黃連縱
逸翻然歸謹飭八法從來非小技縱橫出沒皆游
藝要知筆正先正心諫議堂堂明大義汝今作書

學右軍家雞野鷺徒紛紛他時廟堂待汝扛鼎力
懸梯二十五丈題凌雲

中秋遇雨無月以詩催之次莊滋圃大中

丞元韵

豈是圓靈上故遲姮娥此夕歛光儀平分秋序偏
逢畢高掩星河竟失箕散步長干知窈若打頭矮
屋憶淒其予於中秋歸舍遇雨屢次太空可遣浮雲破朗照
依然遍九達

雨散後月色如畫仍次前韵

雲散冰輪湧未遲中霄仍復吐清儀鎖闌氣逼凝

霜雪銀漢芒垂認斗箕多士苦思神往矣中丞動
問夜何其明明如月懸高鑑從此飛鴻卜漸遠

十七夜對月有懷三次前韻

纔虧圓影上非遲高下寒光澈二儀步月清宵依
北斗驚心昨歲咏南箕序占洪範宜暘若水漲臨
淮念贄其臨淮邑名漢呂千里詩成傳遠道付將
鴻羽入雲逵

廖瀛海先生遺照

相逢卷軸氣冲融林下時披謾謾風三十年前追
往事曾於牀下拜龐公

毛鷺紛紛刷羽翰清泉淵靜息波瀾姓名未達明
光殿不善承顏事上官

門巷和風拂衆人四方都養往來頻五經講論如
翻水不數紛綸并大春

田園久矣歸蕪沒惟有經畬價直多膝下衣言窮
理奧豈徒詩格小東坡

往歲詞場掉臂行東塗西抹媿虛名一人知己吾
無恨況是賢豪著品評

向日試作先生詳加評論

丹陽赴句容途中口占

丹陽卽外赴晨征一路田間慶阜成霜雪平鋪辨

蒿麥蛇蛟互結認香杭名山已字雲中見古邑句

形馬首迎

茅山似句漏故邑名句曲人誤認章句之句

憶得往年頻過

此負書盈篋不勝情

贈周貫之

廣南人即用其贈人韻

稱名回憶舊容厖藝苑如君定寡雙結字有鋒徐
季海吟詩多瘦賈長江金陵同與冠裳會粉署還
聞杖戟撞別後相逢更何日知予翹首望三瀧

歸愚詩鈔餘集卷二

長洲沈德潛歸愚

望山尹師招遊攝山賦詩六章

金陵多名山攝山此為冠藥草能攝生嘉名人共
羨一峯散三峯峰峯入霄漢獻花與祖堂俯視疑
角巾棲霞古道場名跡俱可按舊玩揔持碑夢魂
常眷戀今來日已曛辭塵宿僧院月白照藜屨
心澄止觀明當踏層雲芒屨夙曾辦
清晨露猶零言穿古松徑樹樹六朝青受命同一
正圍抱三兩人過者悚然敬當年造舩艗議欲伐

其性大吏許護持

竺庵和尚請於大吏

至今交手慶更種三

千株蒼蘄助名勝

竺庵徒楚雲所種見王漁洋與宋商邱札

雖為山澤

材行逢

天子聖旋登萬松臺軒櫺且虛凭長風動深林龍

吟入清聽

我慕蕭思話相賞在松石長松撫鱗鬣奇石遇峇
客來過石佛龕三丈有餘尺紆曲經紫峯隋削細
分坼虛閣構其下屏蔽如幄帟閣右攀高巖龍象
鐫石壁一佛化衆身什伯千萬億化身仍一身誰
主復誰客蹉跎足稍疲月臺聊憇息下聽淙潺聲

行當認泉脉

山腰有二泉真珠與白鹿石穴出細流幽幽滴滲
漉歲久藤蔓淤無能下巖谷一從建

離宮荆蘚通洄洑澗底白雲流奔騰下飛瀑山靈
信有靈獻伎効臣僕高僧得虎跑而况

天子福從茲松石間日夕響琴筑

高望天開巖足力猶可上排雲逐征鳥到頂愜心

賞長江如龍蟠遠睇環沆瀣金人開遁處名河亦

名蕩

名槍河即黃天蕩

隱隱見帆檣南北互還往倏忽天

風來衆壑發清響振衣千仞岡開襟納萬象擬驂

鸞鶴遊甄作天際想

名山本天成構造在人事元公經緯胸高下煩位

置上體

卑宮心松雲略塗堅招邀羣公遊尋幽屏車騎杖

藜代僮奴衣裳雜荷芟山僧為導引徧踐煙霞際

相於賦清辭自同音各異羣公叶雅南下里難相

儼後時煥

宸章更仰

天文麗

和王生岡齡移居南園元韻二首

城居仿佛似村居竹木扶疎畫不如
有客只談山水趣無為時讀老莊書
彈琴笑聽牛鳴盎鋤壤欣逢鼠棄蔬
採藥養生間許邁何妨泛宅過桐廬
宛似文家玉磬居長卿為慕蘭相如
知君興到還成賦勸我年衰更著書
與客問禪經佛寺呼童引水灌畦蔬
銘成陋室殊謙退敢比南陽諸葛廬
聖駕重幸江浙恭擬樂府一十二章上呈

睿覽

謹序

欽惟

皇上尊居九重慮周萬里於辛未仲春敬循古制

述

祖德巡視江浙省方察吏蠲租給復行慶施惠億兆踴躍舜典天子五載一巡守歲乙亥兩邦人民咸謂明歲已屆五載願望

幸大吏上陳奉有

俞旨是秋因吳越偏災

上命暫停

鑾輿爰截漕緩征通商停稅四方運粟民不受困歲丙子秋成既登臣民復請情辭倍摯

帝乃重舉時巡畱兩省漕粟運銅鼓鑄復蠲二十

一年以前積逋膏澤廣被江海同沾

明詔既下侍

皇太后鳳輦於孟春吉日啓行維燕齊東魯以暨
吳越人民靡不翹首拭目以望

六龍謂吾曹何幸而生

聖人之世且親見

聖人之容也

臣

歸里以來蒙

恩賜俸

賜詩

賜福

賜序兼

賜冠服膺自古未有之遭逢無從報効違離

闕廷瞬息五載區區之心朝夕寤寐未嘗不在

皇上左右今幸再瞻

天表傾寫微忱敬成樂府十有二章仰志

至德於永永無極

歲在辛未

天子時邁南巡式序拊恤仁義遍及臣民太和洋溢煦然萬物皆春經今五載未奉

屬車清塵望

君如歲惟期暘雨時均如懷父母惟期渥以恩勤
環轅呼籲大吏據以上陳
帝從民請萬族額手歡欣

右民望

幸一章章十六句

水災蟲灾風霜迭推南方凋瘵益以癘疾

聖人間之心周草萊暫停

警蹕緩下河淮

詔書傳征租吏不催截漕賑貸歡聲如雷運粟楚
蜀源源而來

深宮默禱願蘇提孩

至誠格

天天心可回

右綏南服一章章十八句

昊天鑒

帝誠賜以暘雨若禾苗俱芄芃計畝倍收穫夫勤
于田婦勤于家烏捷卧隴黃雲落耒比鄰作社鼓
聲夔夔父老既醉扶掖兒童歡言

天子活我轉凶為豐

君歸

上天之仁民歸

天子之功

右慶有年一章章十六句

民再請吏再陳其情彌懇辭彌真

天子曰俞哉朕當從民之欲與民相見嘉其誠朴
方今高堰隄工相視堅築況江浙為財賦重地尊
親倍篤乃諏吉日下南土遵虞帝之五載一巡知
為法古循

聖祖之閱歲一巡知為述

祖

右

帝允巡一章章十七句

九重頒詔恤民力

省方播德匪取適歲當乍豐鴻始宅休養萬民應
保息松雲棟牖去雕飾五采繽紛戒狼籍魚龍曼
衍概遠斥敷揚

諭旨大臣責甚勿以文不以實

御厨清泉自攜給一物不擾民共識
帝心仁愛洽萬國惟懷永圖慎儉德

右警浮華一章章十三句

帝仁同天雨露連綿

絲綸頻宣留漕廿萬平糶里閭免艱食忠運海疆
銅鑪冶範鎔泉布流通江浙歲無除復積逋免其
追呼兩邦編戶懽忭鼓舞遭逢

聖主莫報

主恩辭朴情真金甌萬年

右

恩疊霽一章章十八句

聖人孝奉

慈寧隨

鳳輦省

寢興齋栗愉婉敬侍長征婦孺聚觀喜動顏色謂
一人至尊勤脩子職而況我儕草莽廼敢勃谿違
逆于時和氣周流人倫化導合天下之歡以為歡
合天下之孝以為孝此之謂大孝

右奉

慈寧一章章十七句

黃淮要衝實維高堰一防泛濫通淮一防橫決漕
挽我

皇相度務俾盡善惟浚河身足以容派堅月隄足

以束版清能敵黃流黃不入運口急泄尾閭泥沙
下走
聖人指揮萬世功淮徐維揚奠定中河漕兩利無
終窮

右固金隄一章章十六句

下朱方

幸吳疆

巡兩浙經於越指石城

駐金陵輿馬互奔馳勿踐青青麥眈庶覲

天顏歡呼連巷陌萬口一辭頌

民言金自
帝德

帝乃求民瘼整官方謁往古之園寢修前賢之烝
嘗山川效靈娛情名勝明麗清嘉幽深淵靜
幾務餘閒玩物華已乘陽氣行時令

右

巡江浙一章章二十一句

前者憂民之憂解澤滂流今茲樂民之樂萬類咸
若士樂膠序農樂田桑賈樂懋遷商樂闢梁微行
采繁樂執懿筐民樂

君萬壽維祺

君樂民男恬婦熙

聖人感人心而天下和平

君民樂于胥樂兮

右

君民樂一章章十七句

天縱多能宏章煥兮包乾括坤三才貫兮旦旦熊
熊麗雲漢兮羣臣賡和僵且汗兮譬諸游夏一辭
莫能贊兮鸞迴龍騰吾

皇揮藻翰兮鐫勒貞珉名山頓燦爛兮吳越兩邦
虹光燭天半兮

右麗

天文一章章十六句

九載歸田永懷

聖德

賜捧周貧

賜文冠籍冠服游加惟

恩之特久睽

天顏如赤子離慈父母側茲來河濱恭迎

鑾輅齋肅覲揚重瞻

六御抒寫葵忱聊憑蕪句等賦天繪海之無從惟

擊壤歌衢之可庶

右迎

鑾輅一章章十六句

和

慎郡王

果親王

皇三子

皇四子見懷元韻四律

寒泉瘦石繞吾廬
抱獨常令故舊踈
忽值閒平投卷軸
深慙老老謝經鋤
高情稠疊兼金似
雅韻芬

葩蜀錦如地隔千重神自浹何須渺渺歎愁予
九載睽違金馬廬頭銜新易是迂踈遠尋石髓和
雲煮閑種山花帶月鋤

帝子瑤華託休父

程少司馬莘田寄到

鄙人藻采媿相如貴

能下賤情難忘遙望燕臺一跂予

鴻章五色下衡廬知我尋山興未踈黃海看雲時
著屐赤城採藥自攜鋤欣承錦段情何若欲和韶
音品不如從此薜蘿添潤澤寧云歲晏孰華予
濃翠濛濛罨草廬松棚豆架景蕭疎看山每曳鳩
頭杖種樹常攜鴉觜鋤

天室下詢情渥矣田居仰答意恬如自慚作序非

玄宴

時作

果親王詩序

既息粗才獨在予

惻獨在予淵明語

北固山

高閣真疑坐碧霄鐘聲遠送海門潮峯間片石留

三國

石狼

檻外空江咽六朝雲樹微茫緬吳楚黛螺

左右列金焦貪看落照淹歸騎不覺清笳起麗譙

海月亭望金山次玉筍太史韵

忠武運籌處

亭在箕山旁

巉巖卓小亭浪浮虛檻白山

入短窓青折阪傳千騎

行宮衛百靈欲窮觀海想東望宿冥冥

和盧雅雨運使紅橋脩禊詩

飛花片片撲僊舟十里園亭許逗遛上巳風光同
洛涘維揚明麗勝蘇州壺觴不用紅裙侍賡唱齊
將白雪酬時值初三新月見二分應挂苑西頭
漁洋脩禊盛當年門句虹梁雁齒前官職久離隋
苑曲風流常憶蜀岡巔隄邊今續紅橋會天上同
乘春水船憑弔名賢尋往跡平山松已幾圍圓
畫閣雲樓兩岼通竹西

行殿冠南東

翠華乍過淮揚郡雅席群歌熙皞風碧玉交流分

漱灑堵波雙插入冥濛
鈿車寶馬必匆處如在逢
壺三島中

病起三春從

聖明無心閒聽賣錫聲
未陪花嶼空神往漫向蘭

亭想氣清詩格舊聞推潁水

盧照鄰晚居潁水

騷壇今喜

在蕪城金山故蹟勞重志博雅還同劉仲更

仲更志慶

廬編時雅雨修金山志故云

七夕後一日同人石湖秋泛次芝庭少司

馬元韻

乍過靈匹會同泛野塘秋棹轉楞伽翠湖分笠澤

流歲豐無碩鼠亭舊有盟鷗欲訪淳熙翰岢邊為

小留

范文穆築盟鷗亭宋孝宗賜文穆石湖二字勒於崖石

船窗空翠滿席上捲無塵風靜安驚羽波恬息躁
鱗鐘傳山寺遠旗漾酒樓新共得林泉趣超遙物
外身

座上答贈芝庭少司馬次韻

江都首對榮子政職繙書歸補南陔詠三公樂不
如春明曾接軫葑水亦連閭商略農桑事相將度
筭輿

題萬里歸蜀圖

此度因張獻忠之亂自成都徙後欲歸未果子

若孫相繼還
成先志也

蜀道亂梟獍移家淮海濱百年懷水木三世夢峨
岷子越千重嶂孫抽萬里身滋衡先歸省墓後先
能繼志不負錦江春

峽裏船憑纜危崖百丈牽千層穿白浪一線上青
天煙火疑城堡松雲想墓田到家償夙願洗眼認
山川

題吳梅查疏泉圖

松風萬壑聲颼颼寒泉相和鳴幽幽舊時湮淤略
疏導導之屈折滌沙洲人工便可引天巧不滯水

與心同流幽人無事靜相對置身每在白雲外閑
中悟得行水方就下自然無窒礙山水清音終古
新琴絃那可比天真移情即是我師在海上何須
訪子春

贈蔣子宣時值五十

辛齋抱疾三年餘牀第跼曲難安舒木強周昌並
形似半人鑿齒同肢軀人言天意不可問君子何
獨嬰艱虞誰知艱虞正玉汝高卧嗜欲胥蠲除冥
心閑關靜中靜木雞之養容如愚外寒中腴理偏
足德充符篇信有諸今年正逢大衍數友朋贈詩

束筍如辛齋得詩迭倡和並建旗鼓操戈殳鴉軍
戟陣兩勁敵客主酣戰誰贏輸更聞選詩綜歷代
仰面點筆區琅玕刪淫黠哇歸正始選樓乃在東
臯隅秋來四體俱運動不須兒子肩籃輿三曰康
寧一曰壽許君兩得辭非諛明年我欲遊匡廬大
江鼓柁君相於扶筇齊上香鑪之峯最高頂俯視
下界膠膠擾擾同軒渠

虎邱玉蘭歌

同遊者彭少司馬芝庭阮太史澂國廖太史南崖汪廣文

兩良王文學存素梁山人壽堂諸公皆賦詩予亦繼作

虎邱山背玉蘭樹千春疑有神明護臃腫拳曲仍

高撐腹空嵌石同兒乳幹如虬龍根積鐵天成轉
似人工鑄花開冷艷漫雲衢覆蓋招提徧瓊璐行
人高望眩銀海清氣逼餘難久注傳聞花石成綱
年朱勔採訪窮民間搜巖剔藪貢洛下苑囿彷彿
三神山此樹撥遺置吳苑何異高士雲中眠於今
艮嶽久灰燼海湧一樹偏流傳客來正值花繁會
坐對霜華增感際朱氏子孫遭逆逐潛逃郊外依
蒿菜去種花花術轉成名相沿祖業擔花賣朱勔家綠
水園吳人逐其子孫潛惟餘巖畔最高柯曾歷宣
逃郊外種花今名花館和舊夢快人生鳥影電光同卉木蒼涼閱朝代拙

政山茶久已枯梅村歌後艷吳都筆墨從來能壽
世賦詩作繪仗通儒坐中恰有丹青手王傑二君倩寫
晴嵐古雪圖

過崑山錢子訥生張生蔭嘉寓齋流連日
夕次其秋興元韻

故人知我訪松寮迎客相携過野橋涼入素襟風
滿座光寒吟席月臨宵亂蛩依砌聲方咽黠鼠窺
燈氣欲驕共話知交零落盡清魂可用楚詞招劉湘

洲汪萬育朱受谷陶韻清周
鯤莊劉大樓諸君俱已下世

墓前碑碣舊摩挲

夏太常歸太
漢二公墓

廿載惟憑夢寐過

熙甫文章經史合仲昭筆墨雨風多重來遼鶴悲
身世獨向空巖發嘯歌天地蒼涼宜覓醉豈徒卑
濕飲無何

年來百穀幾曾成中澤哀鴻寄此生鼠翼不妨兼

虎翼庶城幾欲近狼城

羊化為狼見述異記

今秋許熟南東

畝卜歲能安魚鳥情吾輩談深方夜永風傳梧竹
韻雙清

曩時童穉競來看依舊章逢一例寒猶喜門生情
誼洽故教連夕酒杯寬泉林清話供心醉冰玉新
辭入耳餐明發相期上嵐嶺入雲餘興未曾闌

秋興次錢訥生韻

荒原重構似僧寮
門俯清溪傍板橋
隙地種花仍舊圃
秋燈課誦永今宵
兒時遊釣仍尋覓
故里逢迎敢老驕
大隱於今還小隱
林栖不待左思招
石渠秘笈舊椰杪
此日花甌夢寐過
侍直屢廢天藻富
退朝常惹

御香多就閒
已草歸田賦
獨處還吟牧犢歌
來往秋江采蘅莊
路人不識問誰何

葺詩數載帙垂成
采玉披沙仗友生
古體要令追正始
五言誰許破長城
詞場風旨祛塵俗
當代

文見性情雅鄭分明雲解駁仰看秋宇沈寥清
故交凋謝籜同看到處吟壇席已寒杖杜虛期君
子適考槃自賦碩人寬臨文有罅誰箴闕送老無
朋孰勸餐讀罷八哀餘愴恨廩秋感舊獨憑闌

題王鶴書看梅圖

向南枝榦受春溫隨意經行水竹村看到目成唯
是笑坐來心醉欲忘言鉛華盡却誰真賞風骨雙
清許並論我本萬峰臺畔客披圖便已動吟魂

題放鶴圖

開籠有客放仙禽粉墨傳將高曠心碧落千尋隨

目遠丹砂一點入雲深溪塘已別孤山主閬苑還
樓瓊樹林倘過女牀逢伴侶青鸞相和矢清音

題半帆圖

酒取半醺花半放尚留一半有餘思蒲帆十幅纔
張五不與他人較速遲

輕舸無意破長空細看秋山樹樹紅聞說前途波
浪惡不須更使滿帆風

題宋慤遮觀察杏花春雨圖

北闕陳情辭薊北南陔補詠返江南柳穠一路風
光潤花濕千村雨意含歸里板輿歡御母家園芳

草樹宜男贈君不用栽新什紅杏尚書句最堪

題金會川觀察天際歸舟圖

集歸去來辭字

天路輕舟颺鄉園息有期歡焉就衡宇行矣樂清時
老稚欣稿首壺觴感賦詩悅親吾願得心事幾人知

已審崎嶇路情同倦鳥休棹舟來窈窕

圖有二青衣棹舟

歸里事田疇扶杖尋雲木携琴憩壑上登臨悵孤往
不願息交游

追和望山尹師同袁子才同年遊攝山詩

次韻

天台黃海纔遊遍又到金陵上攝山杖履入林雲
共遠巔峩銜日鳥同還曾經訪古搜碑石尋江擬
刻石詩
不遇猶記題名別蘇斑別後三年成往事心期常在
萬松間

尋山元老力堪勝不藉扶攜白足僧澗號桃花浴
曲曲峯名玉冠上層層峰名紗帽
上改今名亭臺位置天

工巧賦詠清華哲匠能未得相隨共酬唱自嘲年
耄比瞿丞

壑轉坡回境不窮

離宮髣髴翠微宮千龕石佛青崖側六代蒼松紫

閣東新句遙傳金玉響昔遊追憶夢魂通後時仍
見傳

鑾輅依舊雲光冉冉紅

清時別見元才子日下紅塵不願嘗師弟歸依情
自泱林泉眠食興偏長繖山溪谷尋俱熟形似繖亦名繖
山宦海風濤涉久忘我欲續遊偕故友策將小蹇
過丹陽

四時詞

曉日瞳矓萬花谷鶯聲睨睨如調曲侍兒纖手卷
湘簾花缺春山似蛾綠晴窓試展衍波箋欲寫春

江花月篇牆角何人傳笑語東家院落戲鞦韆
雕梁燕子雙雙語堦下榴花紅幾許簾櫳深處轉
歌喉一曲新翻吳白紵田田蓮葉點迴塘雁齒紅
橋水一方莫放蘭橈打波去恐驚七十二鴛鴦
桐陰一葉飛繚繞紈扇纔傳秋尚蚤房幃夜搥鳳
仙花要使猩紅上指爪看罷天邊牛女星玉奴年
小最關情曉窗私貯金盤水也學同袍弄化生
柳開四角垂銀蒜睡鴨微溫餘獸炭小鬟曉起共
宣譟報道堆鹽滿庭院寒風不到五侯家白玉樓
窗眼餘簾外暗香通縷縷一枝已放早梅花

秋日錢香樹先生過訪適素心蘭盛開相
與玩花話舊共成古詩二章以素心二字
為韻

秋蘭清絕塵頗愜逸人趣況此太初質含芳抱幽
素小齋正敷花雪膚超衆姝妬匠適遠來會合杼
情縈絕香湘簾通玩質紗綢護謂是物之尤意外
偶相遇忘言浹有神欲語難輕吐因茲矢同心賓
主有餘慕

人生重晚節願比松桂林先生引疾歸夙望朝野
欽予亮先引年安居無水滄

九重頒清俸同受

君恩深相見每相勗贈言等銘箴潔白答

主眷時凜微埃侵此日念同臭對花發長吟去文
返質素堅茲歲寒心

張墨岑荔柿圖為何子未賦

歲云暮矣天風寒閉門却掃疑空山主人平日恥
言利樂處每在瓢與簞忽有故人打門至手出圖
畫幀相示披圖顏色耀滿堂赭虬火樹紛連綴寫
生荔柿如天生寓言利市聊游戲儒者星宿羅心
胃方寸堆鼻高華嵩家徒四壁氣英邁目輕朱頓

同飛蓬胡為此圖羨榮利如賈三倍心追從我知
畫師工託諷與古為徒家屢空迎將富貴捷有神
鞭出聰明竟何用迎富貴難聰明吳中歲朝風俗滔滔東下波同
流問君果否能違衆主人一笑謝故人守吾鈍拙
安吾貧柿園荔浦奪人目何如樸素還天真朝來
小園梅破萼喜見大地回陽春

歸愚詩鈔餘集卷二